

尚書去偽

標點
校釋

尚書去偽

支偉成學

唐書

堯典

典，常也，法也，言經常之道可爲天下後世之常法也。又說，典從册在六上，尊閣之也。

曰若稽古

曰，粵越通，發語辭。若，順也。稽，同也，考也。古，天也。言能順天而行之，與之同功。一說爲順考古道。

帝堯曰放勳

堯，唐帝名。放勳，堯氏。

欽明文思安安

敬事節用謂之欽，臨臨四方謂之明，經緯天地謂之文，慮深通敏謂之思，寬容穩載謂之安。思一作憲，安

安作晏

允恭克讓

允，信也。不懈於位曰恭。克，能也。推賢尚善曰讓。

光被四表格於上下

言堯德光耀及四裔，至於天地。

克明俊

德

能明俊德之士。一說，能自明其大德。

以親九族

自高祖至玄孫爲九族。

九族既睦，平章百姓

平，通辨，別也。治也。章，明也。

百姓

昭明，協和萬邦

協，合也。

黎民於變時雍

雍，衆也。於，語聲。時，通是。雍，和也。言衆民從化而變，用是大和。

乃命羲和

羲氏掌天官，和氏掌地官。

欽若昊天

欽若，敬順也。元氣廣大，謂之昊天。

歷象日月星辰

歷，紀數。象，象，測驗。日，一日而

地一周。月，一月而與日一會。星，二十八宿，環列于天，四時迭中。辰，以日月所會，分周天之度爲十二次。敬授人時。敬記天時以授人。

分命羲仲：宅嵎夷，曰暘谷。宅，居也。嵎，海隅。夷，禁夷。在東表之地。寅賓出日，寅，敬也。賓，導也。蓋以春分之旦，朝方出

之日。平秩東作。平，均也。秩，次序。東作，春月歲功方興，所當作起之事也。掌春之官，以節氣早晚，均次其先後之宜，卿布以授於民。日中，春分晷度，晝夜皆五十刻，於夏永冬

短爲適中。晷，晷以見夜，故曰日。星鳥，南方朱鳥七宿，以鶉火爲春分昏之中星也。以殷仲春；殷，中也。春分爲陽氣之中。厥民析，析，分散也。使

鳥獸孳尾。乳化曰孳。交接曰尾。

申命羲叔：宅南交，曰明都。南交，南方交趾之地。夏不言曰明都三字，厭減也。平秩南訛，敬致。訛，化也。掌

夏之官，平敘南方化育之事，敬行其職，以致其功。日永，永，長也。夏日長，晝六十刻，夜四十刻。星火，東方蒼龍七宿，以大火爲夏至昏之中星也。以正仲夏；正者，夏至陽

之極，午爲正陽位也。厥民因，因，就也。蓋謂民相就而助成耕耨之事。鳥獸希革。希，疏也。皮去毛曰革，夏時鳥獸毛疏皮見。

分命和仲：宅西，曰昧谷。西，隴西。昧，冥也。昧谷一作柳穀。柳者諸色廢藏，日將沒，其色赤，兼有餘色，故曰柳穀。穀，穀之假借字。寅饒納日，饒，

送也。納，沒也。秋分之夕，敬送方沒之日。平秩西成，秋月物成之時，平叙其功。宵中，宵，夜也。秋分晷刻，晝夜皆五十刻，於夏冬爲適中。晷夜以見日，故曰宵。星虛，北方

玄武七宿之虛星，
秋分昏之中星也。
以殷仲秋，
秋分爲陰氣之中。厥民夷，
夷，平也。暑退人氣平，平居時無農功。鳥獸毛毳。
毛更生，整理可選用。

申命和叔宅朔方曰幽都，
朔方，北方也。幽，闇也。都，聚也。平在朔易，
在，察也。朔易，冬月歲事已畢，除舊更新，所當改易之事也。

日短，
晝四十刻，夜六十刻。星昴，
西方白虎七宿之昴宿，冬至昏之中星也。以正仲冬，
冬至陰之極，子爲正陰之位也。厥民隩，
隩，內也。民避寒而深入室內。

鳥獸氄毛。
鳥獸生髮，氄細毛以自溫。

帝曰：『咨！汝羲暨和，
三百有六旬有六日，以閏月定四時，成歲。允釐百工，

庶績咸熙。』
咨，嗟也，嗟嘆而告之也。暨，及也。釐，猶周也。允，信也。釐，治也。工，官也。庶，衆也。績，功也。咸，皆也。熙，興也。天體至圓，周圓三百六十五度四分度之一，繞地左旋，常

一日一周而過一度。日麗天而少遲，故日行一日，亦繞地一周，而在天爲不及一度，積三百六十五日九百四十分日之二百三十五，而與天會，是一歲日行之數也。月麗天而尤遲，一日常不及天十三度十九分度之七，積二十九

日九百四十分日之四百九十九，而與日會，十二會，得全日三百四十八，餘分之積，又五千九百八十八，如日法九百四十而一，得六，不盡三百四十八，通計得日三百五十四，九百四十分日之三百四十八，是一歲月行之數也。

歲有十二月，月有三十日，三百六十者，一歲之常數也。故日與天會，而多五日九百四十分日之二百三十五者，爲氣盈。月與日會，而少五日九百四十分日之五百九十二者，爲朔虛。合氣盈朔虛而閏生焉。故一歲閏率，則

十日九百四十分日之八百二十七。三歲一閏，則三十二日九百四十分日之六百單一。五歲再閏，則五十四日九百四十分日之三百七十五。十有七歲七閏，則氣朔分齊，是爲一率也。故三年而不置閏，則春之一月入于夏而時漸

不定矣。子之一月入于丑而歲漸不成矣。積之之久，至於三失閏，則春皆入夏，而時全不定矣。十二失閏，則子皆入丑，歲全不成矣。其名實乖戾，寒暑反易，農桑庶務，皆失其時。故必以此餘日，置閏月於其間，然後四時不差，而歲功得成，以此信治百官，則衆功皆興矣。

帝曰：『疇咨若時登庸？』

疇，誰也。咨，諮訪也。若，順也。庸，用也。堯言誰爲我諮訪能順時爲治之人而登用之乎。

放齊曰：『胤子朱

啓明。』

胤子，嗣子也。啓，開也。言堯之嗣子丹朱，其性開明，可登用也。或謂胤國子爵名朱。

帝曰：『吁！嚚訟，可乎？』

吁，疑怪之辭。言不忠信爲嚚，又奸

爭訟，可乎，言不可。

帝曰：『疇咨若予采？』

采，事也。復求誰能順我事者。

驩兜曰：『都！共工方鳩僝功。』

都，歆美之辭。共工，水官名，

其人名氏未聞，先祖居此官，故以官氏也。方，通旁，廣也。鳩，斂聚也。僝，具也。言共工廣斂衆諸官職而具功事也。

帝曰：『吁！靜言庸違，象恭滔天。』

言共工善巧言，用則違背，貌衆恭敬，而心傲狠若漫天，不可用也。

帝曰：『咨！四岳！湯湯洪水方割，蕩蕩懷山襄陵，浩浩滔天，下民其咨，有能俾

乂？』

四岳，四時之官，主方岳之事。湯湯，水盛貌。洪水，大水也。方，通旁，溥也。割，害也。蕩蕩，水濶貌。懷，包也。襄，上也。陵，大阜也。浩浩，廣大貌。滔天，漫天也。俾，使也。乂，治也。言下民

咨嗟苦於洪水，有能使治之者乎。

僉曰：『於緜哉！』

僉，皆也。於，語聲。

帝曰：『吁！咈哉！方命圯族。』

咈，違也。方，讀爲放。

方命，謂放棄天命。圯，敗也。族，類也。

岳曰：『異哉！試可乃已。』

異，舉也。疑是已廢而復強舉之之意。已，通以，用也。試可乃以者，言試之而可，則用之也。

帝曰：『往欽哉！』

命之往，戒之以敬。

九載，績用弗成。

帝曰：『咨！四岳！朕在位七十載，汝能庸命，巽朕位。』

朕，我也。庸，命也。巽，踐也。

岳曰：『

否德忝帝位。』

否，通不。忝，辱也。言不德有辱帝位。

曰：『明明揚側陋。』

上明字，明顯之也。下明字，謂已在顯位者。揚，舉也。側陋，微賤之人。悉

舉有德，不問貴賤。

師錫帝曰：『有鰥在下，曰虞舜。』

師，衆也。鰥，無妻者。

帝曰：『兪！予聞，如何？』

兪，應許之辭。言我亦聞之，又問其德如何。

岳曰：『瞽子，父頑，母嚚，象傲，克諧以孝，烝烝乂，不格姦。』

瞽，史

。心不則德義之經爲頑。好多言，不忠信爲嚚。象，舜弟也。傲慢不友。諧，和也。烝，進也。格，至也。言能以至孝和諧頑父嚚母傲弟，使之進進以善自治，不至于姦惡。

帝曰：『我其試

哉！』

女子時，時，通是。於

觀厥刑于二女。

刑，法也。觀其以禮法接待二女。

釐降二女于媯汭，嬪于

虞。降，下也。媯汭，舜所居地。嬪，婦也。虞，舜氏。史言堯治裝，下嫁二女于媯水之北，使爲舜婦于虞氏之家。

帝曰：『欽哉！』

將試舜而飭使敬其職也。以下卽言歷試舜之事，故知此是飭舜之詞。僞孔氏分此以上爲堯典，「以慎徽五典」以下爲舜典。姚方興又增二十八字于其首。今就鄭氏元本。

慎徽五典，五典克從；

徽，善也。五典，五常之教，父義，母慈，兄友，弟恭，子孝。蓋試以司徒之職。克從者，無違教也。

納于百揆，百揆時

叙；

揆，度也。百揆者，揆度庶政之官。時叙者，以時而叙，無廢事也。

賓于四門，四門穆穆；

賓讀爲賓。舜爲上賓，以迎諸侯。四門，四方之門。穆穆，和美貌也。四方諸侯來朝

者，舜賓迎之，皆有美德。

納于大麓，烈風雷雨弗迷。

麓，山足也。堯使舜入山林川澤，暴風雷雨，舜行不迷。一說，麓，錄也。納舜使大錄萬機之政，陰陽和，風雨時

，各以其節，不有迷錯愆伏。

帝曰：『格汝舜！詢事考言，乃言底可績，三載，汝陟帝位。』

格，來也。詢，謀也。乃，汝也。底，致也。陟，升也。

堯呼舜來，謂汝所謀事，我考汝言，汝言致可以立功，於今三年矣，汝宜升帝位也。

舜讓于德，

讓於有德弗嗣。

不肯嗣位。弗嗣一作弗台，台同怡，謂堯弗怡也。

月上日，

朔日

受終于文祖。

文祖者，堯始祖之廟。受終者，堯於是終帝位之事，而舜受之也。一說，文祖，明堂也。

在璿璣玉衡，以齊七政。

在，察也。璿，同旋，還也。璣者，璣也，微也。其變璣微，而所動者大，謂之璿璣玉衡。是故旋璣謂之北極。北極卽北辰，天體運轉，而北辰乃其運轉之中央

，常居其處，運而不移。一說，璿，美玉也。璣，渾天儀，可轉旋，故曰璣。衡，其中橫筭，所以視星宿也。七政者，日，月，及水，金，火，木，土，五星也。齊，推步不爽。

肆類于上帝

肆，遂也。類，非時祭天，言以事類告也。時舜告攝，非常祭。

禋于六宗

禋，精意以享也。六宗，天地四時也。一說，禋，煙也。取其氣達升報于陽也。六

宗，則謂星，辰，司中，司命，風伯，雨師也。

望于山川

名山大川，五岳四瀆之屬，望而祭之。

徧于羣神

徧以尊卑次秩祭之。羣神，若丘陵墳衍之屬。

輯五

瑞，輯，斂也。瑞，信也。公執桓圭，侯執信圭，伯執躬圭，男執綬璧，男執蒲璧，五等諸侯執之以爲信，故稱五瑞。

既月，既，盡也。以上皆正月事，至盡此月，則四方之諸侯有至者矣。

乃日

觀四岳羣牧

觀，見也。四岳羣牧，遠近不同，來有先後，故日日見之。

班瑞于羣后

班，還也。羣后，即岳牧。

歲二月，東巡守

天子適諸侯曰巡守，巡所守也。

至於岱宗

東嶽泰

柴

燎也。燔柴祭天。

望秩于山川

徧以尊卑祭之，五嶽視

三公，四瀆視諸侯，其餘小者，或視卿大夫，或視伯子男矣。秩，次也。

肆觀東后

達見東方諸侯。

協時月，正日，同律度量衡

協正四時之月

數及日名，備有失誤其節氣晦朔，恐諸侯有不同，故因巡守而合正之。律，音律。度，丈尺。量，斗斛。衡，斤兩。

修五禮

吉，凶，軍，賓，嘉。五玉，五等諸侯所執，即五瑞。

三帛

受瑞玉者，以帛薦之。高陽氏之後用赤繒，高辛氏之後用黑繒，其餘諸侯用黑繒。一說，諸侯之世子執纁，公之孤執玄，附庸之君執黃，皆皮帛。

一死

以爲賞見之禮。

如五器

如者，以物相授與之言。執贊之器有五，卿，大夫，上士，中士，下士也。一說，如，均也。古者兵器有五，弓，矢，矛，戈，戟。天子巡守所至，必均之。

卒乃

復

復，報也。每一禮畢，舜使人反報于堯。

五月南巡守，至於南岳

衡山

如岱禮

八月西巡守，至於西

岳。華山。如初。十有一月朔巡守，至於北岳。恒山。如西禮。歸格于藝祖，用特。格

至也。藝祖，文祖之廟。一說，藝，福廟。特，特性，一牛也。

五載一巡守，羣后四朝。巡守之年，諸侯見于方岳之下。其間四年，四方諸侯分來朝于京師。敷奏以言，明試以功，車服以庸。

敷，陳也。奏，進也。各使陳進治理之言，明試其言以要其功，功成則賜車服以表顯其能用。庸，酬勞也。

肇十有二州。肇，始也。中古之地，但有冀，兗，青，徐，荆，揚，豫，梁，雍，九州。舜以冀州越海而分齊爲營州，冀州南北太遠分衛爲并州，燕以北爲幽州。新羅三州，并舊爲十二州也。封

十有二山。封土爲壇，因高增高，十有二山，十有二州之鎮。濬川。深之使通利。

象以典刑。象，法也。法用常刑，用不越法。一觀，但有其象，無人犯刑。流宥五刑。流，放也。宥，寬也。五刑，墨，劓，剕，剕，宮，大辟也。罪雖入於五刑，亦可寬放之。

鞭作官刑，以鞭爲治官事之刑。扑作教刑。不勸道業，則撻之。金作贖刑。誤而入刑，出金贖罪。眚災肆赦。眚，害也。過失。災

雖有害，則赦之。一說，肆，緩也。言過而有害，當緩赦之。怙終賊刑。怙，恃也。怙其姦惡終身以爲殘賊者，則刑之。欽哉！欽哉！惟刑之恤哉！

恤，一作靜。一作謹。又通鑑，慎也。

流共工于幽州，放驩兜于崇山，竄三苗于三危，殛鯀于羽山，四罪而天下咸服。

二十有八載，帝乃殂落。

殂落，死也。堯年十六即位，在位七十年，又試舜三年，老不聽政，二十八年乃崩，在位共一百零一年。

百姓如喪考妣，

三載，四海遏密八音。

百姓悲哀如喪父母，三年四方莫舉樂以思堯。過，絕也。密，靜也。八音者，金，石，絲，竹，匏，土，革，木也。

月正元日，舜格于文祖，詢于四岳，闢四門，明四目，達四聰。

四門，卿士所居。舜以正月元旦至明堂，開四門，四竇以

廣視聽，以資衆賢。聰，通竇。

咨十有二牧曰：『食哉惟時，柔遠能邇，惇德允元，而難任人，蠻夷率服。』

『咨，謀也。』

。十二牧，十二州之伯也。柔，安也。能，順也。邇，近也。惇，厚也。元，善也。難，猶遠也。任人，依人也。此皆美堯德也。『食哉惟時』，『敬授人時』也。『柔遠能邇』，『協和萬邦，黎民於變時雍』也。『惇德允元』，『克

明德』也。『難任人』，放四凶也。孔子說堯之德曰，『四海之內，舟輿所至，莫不夷』，此之謂『蠻夷率服』。

舜曰：『咨四岳！有能奮庸熙帝之載，使宅百揆，亮采惠疇。』

奮，明也。熙，光也。庸，功也。載，行也。

尙書去僞 唐書

一〇

宅，居也。亮，相也。采，事也。惠，順也。嚙，類也。言有能明其功，光美帝業之行者，使居百揆之官，以相事而順其僞類也。

僉曰：『伯禹作司空。』帝曰：『

俞咨禹！汝平水土，惟時懋哉！』俞，應許之辭。懋，美也。勉也。咨禹，使仍作司空，而兼行百揆之事，錄其舊績，勉其新功。禹拜稽首，讓

于稷契暨皋陶。帝曰：『俞！汝往哉！』

帝曰：『棄黎民阻飢，汝【后】稷，播時百穀！』后當作居。阻，通且。時，讀曰時。謂始者洪水時，衆民且飢，賴汝居稷官，種時百穀以救活之。

帝曰：『契！百姓不親，五品不遜，汝作司徒，敬敷五教，在寬！』五品者，父母兄弟子也。遜，通順。寬，裕也。

○五教者，父誼，母慈，兄友，弟恭，子孝。

帝曰：『皋陶！蠻夷猾夏，寇賊姦宄，汝作士，五刑有服，五服三就，五流有宅，五

宅三居，惟明克允！』猾夏，侵亂中國也。彊聚爲寇，殺人爲賊，由外爲姦，起內爲宄。士，察也。主察訟獄之事。服，治也。就，次也。五刑，墨，劓，剕，剕，宮，大辟也。三就者，大罪

陳諸原野，次罪于市朝，同放適甸師氏。五流，流刑有五。宅，讀曰咤，懲刈之器也。謂桎一，梏一，羣三。三居者，自九州之外，至於四海，三分其地，以爲遠近，維明克允者，謂維汝明察，故能信服人也。——此舜因禹讓

，歷述三人之前功。

帝曰：『疇若予工？』

誰主百工之官。

僉曰：『垂哉！』帝曰：『俞咨垂！汝共工！』垂拜稽

首，讓于殳斨暨伯與。帝曰：『俞往哉！汝諧！』

帝曰：『疇若予上下草木鳥獸！』上，原。下，隰。僉曰：『益哉！』帝曰：『俞咨益！汝

作朕虞！』虞，掌山。之官。益拜稽首，讓于朱虎熊羆。帝曰：『俞往哉！汝諧！』

帝曰：『咨四岳！有能典朕三禮？』典，主也。三禮者，典、主也。三禮者，天事、地事、人事之禮。僉曰：『伯夷！』帝曰：『俞咨

伯！汝作秩宗，夙夜惟寅，直哉惟清！』秩宗，主次秩尊卑。夙，早也。寅，敬也。直，不私曲。清，靜潔。伯拜稽首，讓于

夔龍。帝曰：『俞往欽哉！』

帝曰：『夔！命汝典樂，教胥子，直而溫，寬而栗，剛而無虐，簡而無傲；詩言志，歌

永言，聲依永，律和聲；八音克諧，無相奪倫，神人以和。』胥子，習之公卿大夫子弟當學者。直而溫，正直而色溫和。寬而

栗，堅通秩，寬大而條理秩然。剛失之虐，簡失之傲，殺之以防其失。詩所以言其志，歌所以詠其言。依其所詠以定五聲，是謂聲依詠。又患其不和也，而以六律六呂和之，是謂律和聲。八音能諧理不錯奪，則神人以和。

夔曰：『於予擊石拊石，百獸率舞。』
石，磬也。拊，亦擊也。樂感百獸，使相率而舞，則神人和可知。

帝曰：『龍！朕聖讒說殄行，震驚衆師；命汝作納言，夙夜出納朕命，惟允！』
聖，長也。

也。殄，絕也。絕君子之行。驚動我之衆臣，使之疑惑。納言，傳達之官。

帝曰：『咨汝二十有二人！欽哉！惟時亮天功！』
十二牧與禹，垂，益，伯夷，夔，龍，皋，十伯與，朱，庚，熊，鰲，共，二十二。各

敬其職，惟是乃能信立天下之功。

三載考績，
三年一考成績。三考，
九年考三次。黜陟幽明，
黜退其幽，升進其明。庶績咸熙，
政績法月，衆功皆廣。分北三

苗。
北，通別。

舜生三十徵庸，三十在位，五十載陟方乃死。
舜生三十，謂生三十也。登庸二十，謂歷試二十年。在位五十載陟方乃死，謂攝位至死爲

五十年，舜年一百歲也。此一說也。又說，舜年二十以孝聞。年三十，堯舉之。年五十，攝行天子事。年五十八，堯崩。年六十一，代堯踐帝位。三十九年，南巡守，崩於蒼梧之野，葬於江南九疑，是零陵。陟方，卽巡守

。

虞書

皋陶謨

謨者，謀也。帝舜朝，禹，伯夷，皋陶，相與語帝前，皋陶述其謀。

曰若稽古

皋陶曰：『允迪厥德，謨明弼諧。』

允，信也。迪，道也。謨，謀也。弼，輔也。諧，和也。信其道德，謀明輔和。

禹曰：『兪！如

何？』皋陶曰：『都！慎厥身，修思永，惇叙九族，庶明勵翼，邇可遠在茲。』

都，發美辭。永，

畏也。惇，厚也。敘，次序。庶，衆也。明，通明，民也。勵，勉勵。翼，助也。邇，近也。茲，此也。慎修其身，思爲長久之道。厚序九族，衆民勉勵以助上，此政由近可以及遠也。

禹拜昌言

曰：『兪！』

昌言，美言也。

皋陶曰：『都在知人，在安民。』禹曰：『吁！威若時，惟帝其

難之！』

皆能如是，雖帝堯亦難能之。

知人則哲，能官人；安民則惠，黎民懷之。

哲，明也。惠，愛也。懷，思也。言知人則能器使安

民則衆民思歸之。

能哲而惠，何憂乎驩兜？何遷乎有苗？何畏乎巧言令色孔壬？

孔壬，甚佞也，謂

共工。高爲父隱，故不言罪。

皐陶曰：

『都！亦行有九德，亦言其人有德，乃言曰：載采采。』

亦，古按字，扶持。

也。載，始也。采，事也。言人接扶其行有九德，則亦稱道其有德，乃言其始時某事某事以爲驗。

禹曰：『何？』

皐陶曰：

『寬而栗，

寬大而條理秩然。

而自立。

愿而恭，

謹愿而能恭肅。

亂而敬，

亂，治也。有治才而能敬事。

擾而毅，

馴擾而能果毅。

直而溫，正直而能溫和。

簡而廉，

廉，通辨。簡約而有等威之別。

剛而塞，

塞，通思。剛斷而能審思。

彊而義，

勇敢而有禮義。

彰厥有常，吉哉！

彰，明。

也。人能明其德所行使有常，則成善人矣。

日宣三德，夙夜浚明有家；日嚴祇敬六德，亮采有邦。

三德六德者，皆一亂而

敬以下之文。宣，明也。浚或爲翊，翼之假借字，敬也。日顯著其三德，早夜敬明其德于家者，謂未仕者也。嚴，謹也。祇，敬也。亮，信也。采，事也。日益儼然敬行六德以相事于國者，謂已仕者也。

翕受

敷施九德，咸事俊乂在官。

翕，合也。才德過千人爲俊，百人爲乂。合受而用之，以敷施政教，使九德之人皆任事，則在官者皆俊乂之士矣。

百僚師師，

百工惟時。

工，僚，皆官也。師師，相師法。百官皆是，言政無非。

撫于五辰，庶績其凝。

凝，成也。言百官皆順撫五行之時，衆功皆成。

無教

逸欲有邦，兢兢業業，一日二日萬幾。

母佚欲爲有國者所效。兢兢，戒也。業業，危也。一日二日，猶日日也。幾，發動所由也。一日二日之暫，萬事之

幾所出，言當戒懼也。

毋曠庶官，天工人其代之。

曠，空也。置非其人，與空無異，故言空也。人謂君也。言君代天官人，不可不得其人也。

天叙

有典，勅我五典五惇哉。

勅，正也。天次敘人五常之性，當敘正我五常之數，使人厚于五倫哉。

天秩有禮，自我五禮有庸

哉。庸，常也。自，用也。天次秩有禮，當用天子，公侯，伯子男，士庶人，之五禮以接之，使有常。

同寅協恭，和衷哉。

寅，進也。協，亦和也。以典禮正羣臣諸侯，則同進在朝者

皆協恭而和衷。恭，在貌。衷，謂心。言外內協和也。

天命有德，五服五章哉。

天命有德之人，則以五等之服以彰顯之。

天討有罪，五刑

五用哉。

天以五刑討有罪。

政事懋哉懋哉！

敘典秩禮，命德討罪，無非天意，故人君聽政治事，不可不勉。

天聰明，自我民聰明；

天明畏，自我民明畏。

言天所善惡與民同。

達于上下，敬哉有土！

達，通也。上，天也。下，民也。天之賞罰皆由民，是上下通也。有

土之君，其敬之哉。

皋陶曰：『朕言惠，可底行？』

惠，順也。底，致也。言我言順乎，可致之于行乎。

禹曰：『兪！乃言底可

績。』禹然其言，以爲致之於行，信可有功。

皋陶曰：『予未有知思，曰贊贊襄哉！』

贊，明也。襄之言揚。言我未有知所思，徒贊明帝德

，揚我忠言而已。——僞孔氏于此下分篇，名之爲益稷，今就鄭氏元本。

帝曰：『來禹！汝亦昌言！』禹拜曰：『都！帝予何言？予思日孜孜。』

帝在上，星詢陳謀于下，已備矣

，我復何所言乎。孜孜，勉力不怠。

皋陶曰：『吁！如何？』禹曰：『洪水滔天，浩浩懷山襄陵，下民昏

墊昏，沒也。

予乘四載，

水乘舟，陸乘車，泥乘輶，山乘櫟。

隨山刊木，

隨行山林，刊槎其木，開通道路以治水。

暨益奏庶鮮食；

奏，進也。鮮，新穀鳥獸。與益進鮮食于民。

予決九川，距四海，濬畎澮，距川；

九川，九州之川。畎澮，田間溝也。距，猶致也。濬，穰播

奏庶艱食鮮食，

又與穰播種五穀。艱，當饑爲餓，饑食即熟食也。

懋遷有無化居，

食少調有餘補，不足徙居。

烝民乃粒，萬邦作

乂。

粒，米也。乂，養也。

皋陶曰：『兪！師汝昌言。』

師爲斯聲之誤。

禹曰：『都！帝！慎乃在位！』

帝曰：『兪！』

禹曰：『安汝止！』

定汝之所止，毋妄動，動則擾民。

惟幾

惟康，其弼直，惟動不應。

惟，思也。幾，殆也。康，安也。弼，輔也。丕，大也。直，當爲德之孺字。言君能思危以圖其安，其輔臣用有德者，雖動則天下大應之。言無妄動，動必

依德也。

徯志以昭受上帝，天其申命用休。

徯，待也。申，覆也。休，美也。待志于下，當乎民心，可以明受上帝之命，天將重命汝以美應。

帝曰：『吁！臣哉鄰哉！鄰哉！臣哉！』

鄰，近也。言君臣道近，相須而成。

禹曰：『兪！』

帝曰：『兪！』

帝曰：『臣作朕

股肱耳目，

動作視聽皆由臣也。

予欲左右有民，汝翼；

左右，助也。我欲左右助民，汝當翼成我也。

予欲觀古人之象，

——日，月，星，辰，山，龍，華蟲，作會，宗彝，藻，火，

治功曰力。我欲宣播治功于四方，汝其爲之。